

VOILA

46

s Cliqueheft vo de Basler Rolli

**Basel Tattoo 2012, Summerplausch
Frauebummel, Europapark JG**



musik oesch basel

DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03

Inhaltsverzeichnis:

Prolog	3
Terminkaländer	4
Dr Drummeli-Ufftritt ...	5
Buschi bi de Rolli	6
D Rolli Beiz am Basel Tattoo	8
Summerplausch	10
Frauebummel	11
Rolli Quiz	14
Europapark Weekend JG	16
Was für e Rollityp bisch?	18
Uffleesig: Rolli Quiz	19
Neys bi de Alte	20
Ein Beschluss zur eigenen Identität oder nur ein Traum?	20
Wann ist ein Rolli ein (echter) Rolli?	22
Werbung in eigener Sache – Warum nicht zur Alte Garde?	22
Schilby Dangge	23
Uffleesig: Was für e Rollityp bisch?	24

Inseratetarif:

1 Syte	1 Uusgoob	90.- Frangge
1 Syte	4 Uusgoobe	270.- Frangge
1/2 Syte	1 Uusgoob	50.- Frangge
1/2 Syte	4 Uusgoobe	150.- Frangge
1/4 Syte	1 Uusgoob	30.- Frangge
1/4 Syte	4 Uusgoobe	90.- Frangge

Titelbild:
Basel Tattoo 2012

Prolog

VOILÀ 46
Novämber 2012

Liebi Rolli

Es kunnt mr vor, als ob s Tattoo scho ewig här isch. Jo, ischs jo irgendwie au – aber trotzdem no in beschter Erinnerung. Vor allem bi dene, wo so flissig mitgholfe hänn. Das hanni super gfunde! Es hett au total Spass gmacht und dr Zämmehalt in dr Clique gschtergt!

Dr traditionell Grillplausch hett wieder in dr Polizeihütte im Joggeli stattgfunde, wo sich die Würschtli uff em Grill probiert hänn z'übertrumpfe. De feinschte Salat Kreatione ischs natürlich gliich gange – herrlig gsi! Drno hett natürlich e Fuessballspiil nid dörfe fähle.

Unseri Junge sinn e Wuchenänd quer dure Europapark gsegglet, damit si jo kei verruggti Bahn uslöhn. S' Übernachte inere Blogghütte näbem Lagerfüür hett für e richtigs Highlight und e breits Lächle uff allne Gsichter gsorgt.

Manege frei – mr kömme! Au dure Summer sinn d Vorbereitige fürs nägschte Drummeli natürlich gloffe. Mr hänn motiviert und geduldig ei Version nach dr andere probiert ins Gedächtnis yynepfyffe-/drummllet...

Und unseri Alti Garde wurd sich insgeheim sehr über neu mittelaltri Rolli freue, wo dr Wäg zue ihne finde wurde.

S Voilà-Team

Inhalt Stamm &
Dätschmaischtene
Nadine Nickler

Inhalt Alti Garde:
Thomas Wyss

Inhalt Jungi Garde:
Nicole Weber & Andrea Roth

Layout & Gschaltig:
Cyrill Argast

Versand:
Regula Michel

Mitässer & kreative Mitdängger:
Marcus Hablützel

Redaggtionsschluss Voilà 47:

22. März 2013

P.S. Vor dr Fasnacht wärde d Fasnachtsinfos separat verschiggt. S näggscht Voilà kunnt denn erscht im April.



Adrässänderige:

Bea Klauser
beatrice.klauser@vtxmail.ch

Basler Rolli Terminkaländer

Wenn	Was	Wo	Zyt	Wär
DO 15.11.12	Herbstversammlungig			Stamm
SA 17.11.12	Bunte Oobe / Hützezauber Wettsteinsaal			Stamm, JG, AG
DO 20.12.12	Rolli Wiehnacht mit Sujetpräsentation			Stamm
2013				
	05.01.13 Blaggeddeusgoob			
	10.-12.01.13 Offiziells			
SA 19.01.2012	Übungs-Samstag	Rätz-Stadt		Stamm
	02.02.13-08.02.13 Drummeli			Stamm
	10.02.13 Allschwiler Fasnacht			JG & Friends
	18.02.13 - 20.02.13 Fasnacht			
SO 03.03.13	Bummel			Stamm
SO 10.03.13	Bummel			JG, AG
SA 16.03.13-	Skiweekend			
SO 17.03.13				
	18.-27.07.13 Basel Tattoo			

Letschi aggtualisierti Infos unter: www.baslerrolli.ch

Die aktuelle Termin vo dr Alte Garde wärde über s Internet mitteilt!



„Dr Drummeli-Uftritt stoht und fällt mit em Ysatz vo dr ganze Clique“

vomene Journalischt

Im Februar 2013 stöhn d'Basler Rolli wieder uf dr Drummeli-Biini. Sie verzaubere s'Musicaltheater in e grosses Zirkuszält und d' Biini in e Manege. D Stammverein mache bi dere vom Comité organisierte Vorfasnachtsverastaltig all zwei Joor mit. Mi het wunder gno, was sone Uftritt für e Clique bedyttet und ha drum mit dr Drummeli-Kommission vo de Basler Rolli gredet.



Journalischt: „Was bedyttet dä Uftritt für Euch als Clique?“

DruKo: „Es git Lyt wo sage, dass dr Drummeliuftritt d'Visitekarte vo jedere Clique isch. Me bekunnt deert e tolli Meegligkeit und Plattform e Marsch vorztrage und sich als Clique z'präsentiere.

Dass es musikalisch aber au guet deent, sotte nadierlig jede Oobe alli Pfyffer, Dambuure und Vorträbler uff dr Biini. Sunscht funktionierets nit.

Dr Drummeli-Uftritt stoht und fällt mit em Ysatz vo dr ganze Clique.“

Journalischt: „Wie vvyli Cliquemitglieder steen ame uf dr Biini?“

DruKo: „Ideal wär, wenn an jedem Uftritt mind. 40 Pfyffer und mind. 20 Dambuure mitmache. Es isch au sehr wichtig, dass d' Voorträbler presänt sind, will nur mit ihne ka dr Voortrag si maximali Wirggig erziele.“

Journalischt: „S’Drummeli findet zwei Wuche vor em Morgestraich statt. Het me denn nit no vvyll anders z’tue als jede Oobe in s’Musicaltheater z’renne? ☺“

DruKo: „Klar bringt sone Anngagement e zytlige Ufwand mit sich, aber s’Drummeli isch genauso wichtig wie d’Fasnacht, dr Bummel oder e glatts Cliquefescht. Vor allem isch s’Mitmache und s’ganze Drum und Dra au immer e grosse Blausch. Me trifft vor und nachem Ufritt im Foyer alli meeglige Fasnachtsgsichter und ka sich mit dr Clique grad uf d’Fasnacht ystimme. Mir fraie uns!“



Buschi bi de Rolli



Ich bi d Jara Sophia und bi am 5. Februar am 20 vor 1 am morgue uff d Wält ko.

Ich bi ganzi 50 cm gross und stolzi 4070 Gramm schwer gsi.

Mittlerwile bini nüm so klei und cha scho guet elei sitze und versuech au scho z krabble, und wenn ich mol grösser bi fang au ich natürlich bi de Rolli afo pfiffe oder drummle :-)

Liebs Griessli Selina

Jos. Kym AG, Maler Gipser



mir mole, gipse
und tapeziere

vielseitig · fair · zuverlässig

Reinach · Laufen

Telefon 061 711 34 58 · www.kymmaler.ch

D Rolli-Beiz am Basel Tattoo

Für d Hauptprob vom diesjöhrige Tattoo am Donnschdig zobe bin i kurz-fristig zue Billjee ko und ha mer dänggt, i gang vorhär no schnäll uf e Bier in dr Rolli-Beiz verby. I bi gspannt gsi wiene Sunneschirm (...hesch gmeint Rääge-, gäll...näni, s het erscht am Frytig afo schiffe, am Donnschdig isch no richtig summerligs Wätter gsi!), öb ich als Rolli-Früschtling – hejo, i bi jo no in dr Ufwärmrundi – dr eint oder die anderi im Beizli kenn oder ob ächt alles neu Gsichter im Ysatz sinn.



Kuum bin i in der Tattoo-Street ygloffe, han i vor em Rolli-Beizli en ehmolige Glyggefründ vo den Aagfrässene könne begriesse, und är het mi denn au grad mit eme verschmitzte Lächle mynere neue Glyggekollegin, dr Nadine, vorgestellt. I ha glaub no kei richtige Schlugg vo mim Bier gha, do het mir d Chefredagtere scho in ihrer charmantischte Art und mit eme Grinse uf de Stoggzähn gseit, si würdi mi jetz grad vom Rolli-Greenhorn zem erschte und oberachte

Basler-Rolli-Tattoo-Beizli-Brichtli-Schryber befördere! Das sygi schynts e ganz e bsunders Privileg, well sich immer alli in dr Glygge würde um die Brichtlischryberei ryse....et voilà!!

Es isch in däm Johr s erschte Mol gsi, dass d Rolli e Beiz in dr Tattoo-Street gfiehart hänn und au s erschte Mol, dass am Daag vor der Premiere alli Beizli scho hänn dörfe offe ha. E Novum, wo sich eigentlich scho lang ufdrängt het, isch es doch eso, dass die Lüt, wo in dr Hauptprob könne go luege, normalerweise nid weniger Hunger und Durst hänn wie die, wo am ene andere Daag ans Tattoo göhn. Und das Johr isch dä Donnschdig eine vo de schönschte und wärmschte Öbe gsi. Es isch denn au entsprächend guet gloffe und die, wo am schaffe gsi sinn, hänn zytewys fascht im Rote draiht, und das nid nur, well im dümmschte Momänt e glaini Panne am Zapfhahne passiert isch - hejo, ohni Drugg uf em Fässli kasch halt kei Bier useloh. Aber au die Mini-Krise isch relativ schnäll bewältiget gsi und s Bier het wieder könne fliesse. Für d Premiere het sich denn au dr Petrus als Beizer goutet und het sy Zapfhahne zünftig uffgmacht, aber trotz em übermässige Nass vo obe hänn sich d Bsuecher die gueti Luune nid lo näh und unseri Beize-Crew gforderet. Und eso



isch es denn au wyter gange. S Wätter het sich zwar ebitz besseret und vor allem zwüsche zwei Vorstellige isch es mängmol rächt hegg Tisch zue und här gange. Die einte hänn nach der erschte Vorstellig Hunger und Durscht ka und die andere hänn sich vor der zweite Show no welle verpfleä-ge, und so sinn denn plötzlich alli mitenand do gstande und hänn welle bedient wärde. Eso sinn denn vor allem die, wo am Grill gschafft hänn,



zyte wys rächt ins Schwitze ko. Well aber vyli vo de Hälfer mehrmols im Ysatz gsi sinn und die verantwortlige Cheffe guet organisiert hänn, het sich e gwüssi Routine ygspielt und dr Betrieb isch gloffe wie am Schnierli. Und zwüschen yne hets au wieder rühigeri Zyte gäh, wo mes ebitz gmietliger gno und sich sälber au öbbis het könne genähmige. Dr Platz, wo mer unser Beizli ka hän, ganz unde in dr Kurve vo der Tattoo-Street, isch wohrschynlig eine vo de beschte Ort, wo me ka griege, und entsprächend hämmer amme au Betrieb ka. I weiss nid, wieviel Kilo Fleisch und Würscht und wieviel Hektoliter Bier und sunschdig Flüssigs ass mer über d Theke gäh hänn, aber i dägg, dass es sicher e schöne Zuestupf in d Glyggekasse gäh wird. Und non e schöne Näbeeffäkt het die Tattoo-Zyt für mi ka – i ha vyli neu Glyggeschpönli kenne glehrt und mer euri Gsichter yprägt – aber sind mer nid grantig, wenn i eure Name s näggschte



Mol nid uf Ahieb presänt ha, das brucht no ebitz Zyt!

Im ene Johr, am näggschte Basel Tattoo, wärde mer jo bereits scho uf en ygspielt Beize-Team könne zelle und ich bi hüt scho gspannt, weele Rolli-Neuling ächt denn als erschte dr charmante Nadine wird begägne.... ;-))

Markus



Summerplausch 2012 vo de Basler Rolli

Alli schön brun, vo de Summerferie, hänn mir is am Donnschtig am 16. August in dr Grien 80 bim Polizeihüttli troffe. Es isch widdr dr alljöhrligi Rolligrillplausch aagstande. Es sinn immer meh koo, vo klei bis gross. Mir hänn is alli unglaublich vuyil z'verzelle kaa und sinn so emoll e Zyt lang beschäftigt gsii. Irgendwann hänn mer denn aber doch Hunger griegt und hänn uns vom wunderbare Buffet bedient. :D Mit volle Mäge hänn mir is denn de andere aagschlosse, sinn go Fuessball spiile. Das isch sehr luschtig gsii. :D Wo mer denn ghört hänn das es Dessert git, hämmer natürlich alli grad miese loosseggle. Langsam sinn die Jüngere oder die mit eme lengere Heiwäg widdr gange. Am Schluss sinn numme no mir übrig bliibe...Mir sinn denn uff dr Boode ghogt und hänn no e kli gschnuurt und hänn is denn au langsam verabschiidet.

Es isch widdr emoll mega-toll gsii :D

Lara B, Anik, Sina,
Léonie & Lara P.



Frauebummel

Am Samschdig am 20. Oktober am 2 hän sich vvyll Rolli-Fraue pünktlich hinterem Bahnhof SBB troffe. Alli hän die 3 „komische“ Gstalte gseh. Die 3 Gstalte sin schluss-ändig d Gaby, d Michelle und d Melanie gsi wo sich als Zirkusartischtche verkleidet hän. Vo dr Zirkusdiräktorin simmer begriesst worde und es isch uns erklärt worde was mr als näggschds mache. Mir sin mitm 16er bis an Tellplatz gfahre und denn hindere gloffe zum Gundeldingerfäld. In dr Iladig heds scho gheisse: Rutschsogge mitnähd oder in de normale Sogge cho. Und bequemi Sache aazieh. Mir sin iinegange und s Gheimnis isch glüftet worde. E Zirkusschuel!

Mir sin in 2 Gruppe ufteilt worde, well mr doch vyl gsi sin. Die einti Gruppe isch uffegange und hed sich als Seiltänzer probiert und später hämmer no „dr Clown gmacht“. Das isch ebbe gar nid so eifach. Nachdäm mir uns miteme kleine Apero gstätkt händ, isch dr zweeti Teil dra cho. Jongliere isch aageseit gsi. Zerschd mol mit eim Ball iebe, denn mit zwei und schlussändig mit drei. Einigermasse hets klappt.

Am Schluss hämmer denn no chli frei dörfe usprobieren. Nach däm tolle Nomidaag simmer mitm Tram bis zur



© CTB AG

Ihr ElektroTeam für jeden Fall!

MORITZ HUNZIKER AG

MORITZ HUNZIKER AG
Elektro - Telefon - TV - EDV
CH - 4019 Basel
Kleinhüningerstrasse 183

Tel. +41 61 631 35 35
Fax +41 61 631 36 66
info@elektro-hunziker.ch
www.elektro-hunziker.ch

Schiffländi gfare und hindere zum Ffürwehkäller gloffe, wo denn e feins z'Nacht für uns kocht worde isch. Was vom Zirkus gfählt het sin d Tier und s Zaubere gsi. D Melanie, d Gaby und d Michelle hän denn no drei tierischi Kieche aanezauberet (woo sehr toll usgseh hän und au super gschmeggd hän!!)
Me isch denn no lang zämme gsässe, hed pläuderlet und no chli drunke.

Mir chönne glaub im Name vo allne sage, dass es e sehr tolle Frauebummel gsi isch und wänd uns hätzlich bi dr Gaby, dr Melanie und dr Michelle für d Organisation bedanke.

Chantal & Selina





und jetzt
no e...



TOP
GHAIMTIP:

 **Büchler**
Drummelbau &
Drummelschuel
Austross 43
4051 Basel

ROLLI - QUIZ

1. Wie nennt man eine Wasserstelle in der Wüste?

Wadi (N)

Düne (B)

Fata Morgana (S)

Oase (A)

2. Welche tierische Bezeichnung gebraucht man auch für einen Spion?

Wühlmaus (R)

Stinktier (T)

Maulwurf (O)

Filzlaus (S)

3. Wenn man jemanden mit Schnee einreibt, der wird..?

eingeseift (M)

abgebraust (R)

shampooiert (A)

gebürstet (D)

4. Was feiert man nach 65 Jahren Ehe ?

bleierne Hochzeit (B)

eiserne Hochzeit (R)

Stahlhochzeit (I)

Gnadenhochzeit (T)

5. Wie nennt man die Eiablage der Fische?

Saich (M)

Raich (U)

Laich (J)

Daich (D)

Aus den richtigen Lösungsbuchstaben kannst Du nun ein Lösungswort zusammenpuzzeln:

Lösungsbuchstaben:



1. 2. 3. 4. 5.



Lösungswort:





Verkehrs- und Mobilitätsplanung, Verkehrsmodelle,
ÖV-Beratung, Verkehrstelematik, Ökonomie,
Güterverkehr und Logistik.

Rapp Trans AG – ein Unternehmen der Rapp Gruppe

Rapp Trans AG
Güterstrasse 137
Postfach
4018 Basel
www.rapp.ch

Ab **U**ff
d'Gass!

crome.ch

Immer unterwegs für Sie.
www.unternaeherer-ag.ch

Unternehmer
Unser Elektroprofi

Europapark Weekend 22./23.09.12



Am 22./23. Septämber isch es ändlig sowyt gsi. Mir hän dr Räscht vo unserem verdiente Schwingerfeschtbatze im Europapark ussgäh.

Am Samschtigmorge sin mir am Badische Bahnhof mit emene sehr schöne elegante Bus abholt worde. Leider hän mir aber die vorhär kaufte Gipfeli nid dörfe ässe, will dr Chauffeur spöter no het miesse schicki Krawattelüt am Flughafen abhole. Drum het kai Bröösmeli am Bode dörfe sy.

Aendlig akoh, hän mir unser Gepäck im Tipidorf verstaut, hän alli unseri Tickets kriegt und sin denn mit Shuttlebähnli vom Tipidorf in Europapark gfare worde.

Dört hän mir uns denn in Gruppe uff e Wäg gmacht die verschiedene Bahne uss z'kundschaftete und natürlig au viele feini Sache z'ässe.

Leider hets bis nach em Mittag immer wieder gränet. Aber denn isch es gli wärmer worde und d'Sunne het sich zeigt.

Mir hän uns immer wieder alli zämme irgendwo troffe, bis denn am halber 8i z'Oobe dr Park langsam zuegmacht het.

Denn sin mir richtig Tipidorf go s'Gepäck hole und d'Zimmer in unserer Blockhütte go uffteile. Es sin härzigi 6-er Zimmer, zum Teil sogar 2-stöckig, gsi. Mir hän alli no e feine Klöpfer vom Grill bikoh und feini sälbergmächti Kueche. Woby Hunger het niemerts meh wirklig kah. ;-)

Die einte hän in de Zimmer no gspielt, die andere sin gmietlig am Lagerfüür ghöcklet und hän zämme mit de Nochberblockhütte Marschmellows bröötlet und gsunge.

Am andere Morge hän mir uns am feine z'Morgebuffet bedient und zämme mit dr Euromuus z'mörgelet. Alli sin natürlig scho ganz uffgret gsi und hän so schnell wie möglich wieder in Park welle.

Bi tollem Wätter sin mir wieder Gruppe für Gruppe quer durch dr Park und hän uns denn über dr Mittag zummene Däller Spaghetti troffe.

Am 5i sin mir alli kaputt und vollgässe wieder in Bus ghöcklet und Richtig Basel
gfare und hän uns scho überlegt, wie's wär, wenn mir näggscht Joor wieder so e
tolls Rolliweekend im Europapark könnte verbringe. :-)
E Euromuus-Fan



Am töllste ha ich gfunde, dass ich dr Patrick überredet ha uf d Silver Star z ko.
Wie uf em Bild z gse isch, hets uns allne guet gfalle.
Anderi Highlights sin d Übernachtig im Bloghuus und s Lied vo unsere Nachbere gsi
(e Haifisch e Haifisch das isch e Fisch wo hai isch).

Mi hets au gfreut, dass ich neui Lüt us dr Gligge kenneglehrt ha.

S sin zwei SUPER Däg gsi und ich bi müed und heiser heim ko.

Vom Clemens Keller



Ich war das erste Mal im Europapark mit den Basler Rolli.

Zum Beispiel war ich auf der Blue Fire. Die Bahn war lustig. Die Bahn hatte einen
Looping und viele Umdrehungen.

Wir übernachteten in einem Holzhaus. Es hatte aber auch Tipis und Western-
anhänger. Und im Car spielten wir Dinosaurier-Quartett.

Ich fand es super und möchte nächstes Jahr wieder gehen.

Liebe Grüsse und Danke
Andrin Hersberger

Was für e Rollityp bisch?

1) Fasnachtszischtig Zoobe am 10i. Mr laufe stolz mitem Basler Marsch durch d Utegass, wo unsere Tagestamburmajor plötzlich links in e schmals Gässli abbiegt.

- a) Ich laufem hindedri, er isch jo hüt dr Schef = 3 Pünggt
- b) Ich sehs nid ii und lauf witerhin gradus. Mol luege, ob mr öbber unuffällig folgt = 2 Pünggt
- c) Ha mi nid könne entscheide, i gang zrugg in d Beiz = 6 Pünggt

2) Källerbabstiiig. Vor mir stoht e Cliqueschpänli, aber nid us dr eigene Garde.

- a) Ich due als ob mr e Erdnüssli ufe Bode gfluge isch und tascht 2 Minute lang dr gruusig bierdurchdrängti Boode ab, bis er/sie vrbigloffe isch = 6 Pünggt
- b) Ich blib wie versteineret schtoh und schnuf nur no flach in dr Hoffnig, nit erkennt zwärde. Jetzt isch aber ultimo zum ändlig mol alli Näme z'lerne = 4 Pünggt
- c) S Gsicht kunnt mr bekannt vor und nach kurzem studiere gangi freudeschtrahlend uf die Person zue und begriess si mit Name = 3 Pünggt

3) Am Donnstchtig zoobe bi de Rolli. Geduldig iebt dr Instrugger immer wieder die gliich Stell mit uns.

- a) Jetzt wird's aber högschti Zit zum ändlig mol die Märsch iebe, s isch jo scho gli Fasnacht = 2 Pünggt
- b) Ich bi e Naturtalänt und Prominänt. Goht mi nüt a = 1 Pünggt
- c) Ich glaub i mäld mi bim Vortrag a. Dört bruche si no Lüt = 4 Pünggt

4) E tolle Bunte Oobe. Jetzt gohts drum, wär dr Voilä Bricht schribt.

- a) Ich mäld mi sofort, do ich gärn schrib, viel Idee ha und mi Name so gärn im Voilä läse due = 1 Pünggt
- b) oje oje, ich probier em Blick vo de Redaktionsmitgliider uszwiiche und notfalls stelli mi taub = 3 Pünggt
- c) Zähneknirrschend sag i jo, damit i vor de andere nid so blöd do stand. Die wo mi Bricht denn läse sin jo sälber schuld = 4 Pünggt

5) 45 Minute Halt vorem Schnabel am Fasnachtsmäntig. Fünf Rolli schtürme iine als obs kei morn me git.

- a) Natürlich bini vorne mit drbi und schmeiss grad die erscht Rundi – denn hannu das vrbi! = 2 Püנגgt
- b) Hm, eigentlich sötti no ufs WC, aber dört stönn si a wie blöd. Drbi hätti so durscht; und bi mied; und ha kalt. Was sölli mache? = 6 Püנגgt
- c) I gib dene 5 mi Bierbschtellig uf, raas wie e gschtört vor dr nägschte Clique ufs WC in Leuezorn und stand püנגgtlig zur Geträngguugob wieder schwitzend vorem Schnabel miteme Grinse ufem Gsicht = 5 Püנגgt

-> Uffleesig uff Syte 24



Uffleesig Rolli Quiz

Aus den richtigen Lösungsbuchstaben kannst Du nun ein Lösungswort zusammenpuzzeln:

Lösungsbuchstaben:

A O M R J
1. 2. 3. 4. 5.



Lösungswort:

M A J O R

NEYS BI DE ALTE

Geschätzte Leserin, lieber Leser

Normalerweise darf ich mich ja für die jeweiligen Ausgaben des Voilà auf tatkräftige Unterstützung meiner Mitstreiter(innen) der Alte Garde verlassen und mich auf den Rahmen konzentrieren. Dafür möchte ich mich an dieser Stelle ganz herzlich bei allen bedanken. Bin ich doch jeweils in der komfortablen Lage, ohne grosses Zittern und Bangen, einen abwechslungsreichen und spannenden Bilderbogen unseres Cliquenalltages zusammenstellen zu können.

In dieser Ausgabe erlaube ich mir, selber zur Feder – oder wohl besser gesagt zur Tastatur – zu greifen. Dies einerseits, weil der letzte Zeitabschnitt doch eher ohne grössere Aktivitäten oder Ereignisse verstrichen ist. Andererseits aber auch, weil uns, die Mitglieder der Alte Garde ein sehr grundsätzliches Thema und damit verbundene Diskussionen begleitet haben.


Ich möchte in aller Klarheit festhalten, dass dies meine persönliche Sicht darstellt und somit nicht den Anspruch auf eine ultimative Wahrheit hat. Die Tatsache, dass ich als einer der wenigen heute noch aktiven ‚Ur-Rolli‘ über die längste Beobachtungszeit verfüge, mag meinen Gedanken dennoch eine gewisse Legitimation geben.

EIN BESCHLUSS ZUR EIGENEN IDENTITÄT ODER NUR EIN TRAUM?

Im Nachgang zu einer Grundsatzdiskussion an der letzten GV und ausgelöst durch eine Debatte über Sinn und Zweck einer Alten Garde haben die Mitglieder beschlossen, bis auf Weiteres keine neuen Mitglieder von aussen aufzunehmen. Ein zentrales Argument war dabei, dass einzelne Protagonisten beklagten, dass keine (richtig muss wohl eher sein: nur wenige) Stammmitglieder in die Alte Garde übertreten. Hauptgrund sei, dass das Vereinsleben in der Alte Garde ja eh nur eine Kopie des Stammes sei, mit vergleichbarem Aufwand namentlich für das Spiel. Und eine Kopie sei halt nie so attraktiv wie das Original. Gleichzeitig wurde auch moniert, dass durch eine laufende Zuwanderung das ursprüngliche Gedankengut das zur Gründung der Alte Garde geführt hat, mehr und mehr verloren gegangen sei. Auch dies wurde als ein möglicher Grund für den mangelnden Zustrom aus dem Stamm angeführt.

Auch wenn absolut keine Einigung bezüglich obiger Argumente gefunden wurde, hat doch eine Mehrheit ein klares Votum dazu abgegeben, dass nicht ein weiteres

Ihr **Wein-** und **Getränke-** **Lieferant**



Theo Rietschi AG
Getränke en gros



Hahn-Rickli AG
Weinkeller

Wachstum anzustreben sei. Nicht Grösse ist massgeblich sondern eine gesunde, gesellschaftliche Kultur, Kollegialität und Spass. Dass dies bei der heutigen Grösse, aber auch schon zur Gründungszeit nicht ohne Strukturen und auch gewisse administrative Abläufe geht, ist aus meiner Sicht offensichtlich. Die Freiheit des Einzelnen endet dort, wo sie andere beschränkt. Und eine Clique, auch eine Alte Garde, ist in einem laufenden Wandel und nicht ein statisches Fossil, welches zwangsläufig zum Aussterben verurteilt ist. Oder man strebt das als ultimatives Ziel an!!

WANN IST EIN ROLLI EIN (ECHTER) ROLLI?

Und damit sind wir bei einem der Kernpunkte, welche obige Diskussion stark befeuert hat. Nämlich der Frage, welchen Zweck die Alte Garde verfolgen soll und mit welchen Mitgliedern. Es steht ausser Frage, dass die Gründungsmitglieder sich mehr Freiheiten gewünscht haben und einen offeneren Rahmen um Fasnacht zu machen. Wie dies auszusehen habe wurde zwar jeweils diskutiert, hier kann ich allerdings nur vom ‚Hören Sagen‘ ausgehen. Aber schlussendlich hat die Alte Garde weiterhin ihre Übungsstunden abgehalten, hat das Musikalische gepflegt, dem Gesellschaftlichen viel Raum gegeben und schliesslich gemeinsam Fasnacht gemacht. Und die Urmitglieder haben, aus einer gewissen, verständlichen Notwendigkeit, Verstärkung von aussen geholt. Ich muss sagen, aus meiner Sicht kann ich beim besten Willen keine fundamentale Veränderung gegenüber heute sehen. Ist es allenfalls eine etwas verklärte Sicht auf die Vergangenheit?

Und ich möchte an dieser Stelle auch ein vorbehaltloses Bekenntnis zu all jenen Mitgliedern machen, welche von aussen zu uns gekommen sind. Gerade sie sind es häufig, welche präsent sind wenn es um Aktivitäten oder Cliquenanlässe geht und welche mit Stolz für die Rolli einstehen. Ich denke, ich kann hier auf eine weitere Vertiefung oder Namensnennung verzichten. Wir dürfen uns glücklich schätzen, sie in unseren Reihen zu haben. Und das gilt nicht nur in der Alte Garde sondern im Gesamtverein gleichermaßen. Und sie haben das gleiche Recht, zu bestimmen wie unsere Clique aussieht und sich nach Innen und nach Aussen gibt. Wir haben keine Zweiklassengesellschaft. Wir sind alle Rolli – Punkt.

WERBUNG IN EIGENER SACHE – WARUM NICHT ZUR ALTE GARDE?

Zum Schluss sei mir doch noch ein kleiner Werbespot in eigener Sache gestattet. In meinem Verständnis ist es völlig natürlich, dass sich ein Rolli als Mitglied eines Gesamtvereines versteht. Dass es selbstverständlich ist, dass man von den Jungen in

den Stamm übertritt und bei gegebener Zeit der Familie in der Alte Garde weiterhin die Treue hält.

Und ich kann aus eigener Anschauung nur bestätigen, dass ein Übertritt in die Alte Garde höchst bereichernd und schön ist. Man gewinnt neue Freunde, ohne die alten zu verlieren und ist auch weiterhin ein Mitglied dieser faszinierenden Familie, die sich Rolli nennt. Es ist nicht ein Überwinden eines Grabens oder eine eigene, neue Welt sondern einfach eine neue Facette. Ich kann somit nur all jene, welche sich mit diesem Gedanken tragen, einladen, einen Wechsel zur Alte Garde und zu einem neuen Rolli Abschnitt mit Freude ins Auge zu fassen. Wir würden uns auf jeden Fall freuen und unsere neuen Mitstreiter mit offenen Armen empfangen.

BASLER ROLLI ALTI GARDE – MEH ALS DREY DÄÄG FASNACHT.

Zum Schluss ein Vorschlag zur Güte. Es wäre schön, wenn sich Mann/Frau in einem kurzen ‚Leserbrief‘ zu meinen Gedanken äussern würde. Natürlich sind Voten von Stamm und Alter Garde mehr als willkommen. Ich würde Eure Meinungen dann im nächsten Voilà vorstellen, unzensuriert natürlich!!

In diesem Sinne bis zum nächsten Mal.



Bitte!

Uffleesig: Was für e Rollityp bisch?

Typ A wie Afiehrer

1 – 14 Pünggt

I bi aktiv in dr Clique und riss mi um jedes Jöbbli wo z'vergä isch. Und dodrvo gits jo gnueg. I lueg, as mi Name uf jeder Lischte isch und me mi jo nie vrgisst. I dräng mi gärn überall uff, do ich nüt verpasse will.

Typ D wie Duureschlängler

14 – 22 Pünggt

I bi e durchschnittlige Typ und so schlängle i mi sowie durchs Läbe wie au durch d Rolli. I bi zwar oft drby, blib aber amme im Schofegg hange anstatt bi de Rolli z'si. Eigentlig würdi gärn mehr Voilà Bricht schriibe, getrau mi aber nid, mi ufz'dränge. Bi jo schliesslig kei A-Typ.

Typ L wie Laferi

23 – 79 Pünggt

Ah jo, d Rolli gits jo au no. Aber Hälfte isch chli e Fremdwort für mi. An de Donnschtige hann amme au öbbis anders vor und um s Räbhus machi denn au immer e groosse Booge. Drfür freu i mi an dr Fasnacht mitzmache und usse z'laufe, damiti mine Fründe ka winge.

**Do könnt die Brichtli stoh,
wenns nur wär ko.**

**Dorum sin mir froh,
stohts denn näggscht mol do.**

**Könne mir uns uff di verloh?
Hejo!**